


बच्चन के ले बाइबिल देत है



आदिमी जो कभऊँ नाइ झुके



द्वारा लिखत: Edward Hughes

द्वारा चित्र: Jonathan Hay
Alastair Paterson

द्वारा अनुकूल: Mary-Anne S.

द्वारा अनुवाद करो गयो:

द्वारा बनाओ: Bible for Children
www.M1914.org

©2024 Bible for Children, Inc.
लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।

1

राजा नबूकदनेस्सर ने एक बहुत
भारी सोने की मूर्ति कौ बनवाओ
हतो। अउरु बा मूँड से लईके
पाइन तक पूरी सोने की हती।
राजा अपनो बउ सपनो भूलि गओ
हतो कि परमेश्वर ने बाई बताई
हती कि बाको सोने किसी राज्जु
सदा के लै नाइ रही। शाइति बाने
ऐसो, सोंचो हुई कि अगर बउ पूरी
मूर्ति कौ निरे सोने से बनबाबइ,
तऊ ता फिरि बाके सपने के द्वारा
दौ भौ परमेश्वर को बउ वचनु
साँची नाइ हुइही।



2

“राजा के सेवकन मा से एक ने सबई लोगन के लै हुकुम पढो ... तुम सब जने नीचे गिरिके जा सोने की मूर्ति की पूजा करियउ ... अउरु तुम लोगन मा से जो कोई भी नीचे गिरिके पूजा नाइ करिही बउ जत्ति भई आगी की भट्टी के बीच मा डारि दौ जइही।”




3

तीन पुरुषन कौ छोडि के सब जने ने राजा के जा हुकुम कौ मानो। बई लोग यहूदी हते। बइ शद्रक, मेशक अउरु अबेदनगो, दानिय्येल के दोस्त हते। निश्चित रूप से लगति हई। दानिय्येल समय पर हुआन नाइ हतो, नइ तउ बउ खुदई आदिमी के हाँथन से बनाई भई मूर्ति की पूजा कन्न से मना करि देतो।



4

राजा के पण्डित दानिय्येल अउरु बाके के दोस्तन से बैर राखत हते, क्योकि राजा उनई पसंद नाइ कत्ति हतो। तब उन्ने कही, जिन तीन लोगन कौ, शद्रक, मेशक अउरु अबेदनगो कौ तुमने बाबुल के इलाका के ऊपर शासकन के रूप मा राखो हतो। “हे राजा, जइ लोग, तुमारे हुकुम को पालन नाइ कत्त हंइ। बइ तुमारे देवतन की पूजा अउरु न ही तुमारी बनाई भइ सोने की मूर्ति की पूजा कत्त हंइ।”



5

राजा नबूकदनेस्सर गुस्सा से भरि गओ। बाने उनइ चितउनी दई कि “अगर तुम सब जने पूजा नाइ करिअउ, तउ तुमई एक जत्ति भइ आगी की भट्टी के बीच मा डारि दौ जइही। तब कउन सो परमेश्वर तुमइ मेरे हाथन से बचाई पइही?”




6

राजा एक बहुत बड़ी गलती करि रहो हतो। वउ वाकई मा जिन्दा प्रभु परमेश्वर कौ चुनउती देति हतो। जइ तीन यहूदी आदिमिन कौ जा पता हती कि मूर्ति पूजा करिबो परमेश्वर के कानून के खिलाप हतो। बइ ठाड़े हते। क्योकि बई परमेश्वर पर भरोसो कत्त हते, बइ राजा से डरात नाइ हते।



7

इन तीन बहादुर आदिमिन के तीर राजा के लै एक जवाबु हतो। “उन्ने कही कि हम जिस यहोवा की सेवा कत्त हंइ वउ हमइ जत्ति भइ आगी की भट्टी मा से बचाउन मा काबिल हइ, लेकिन अगर नाइअउ बचाइही, तबहू हे राजा जा जान लेउ कि हम तुमारे देवतन की पूजा नाइ करिहीं, अउरु न तुमारी बनाई भइ सोने की मूर्ति की पूजा करिहीं”।



8

राजा नबूकदनेस्सर बहुत गुस्सा भौ! बाने भट्टी कौ आम गर्मी से जादा सात गुना अउर जादा गर्म कन्न को हुकुमु दौ। तबहूँ उन आदिमिन ने घुटुआ नइ टेके।



9

राजा ने अपने सेना मा से सबसे ताकतदार आदिमिन कौ हुकुमु दौ, कि बइ शद्रक, मेशक, अउर अबेदनगो कौ बांधि के बा जत्ति आगी की भट्टी मा फेंकि देउ।



10

भट्टी की आगी इत्ती धधकति हती कि शद्रक, मेशक अउर अबेदनगो कौ फेंकन वाले आदिमिन की बा आगी की तपन से मौत हुई गई।




11

राजा एक सुरक्षित जह पर से सबु देखति हतो। बाने देखो कि तीन आदिमिन कौ ठीक जत्त भै आगी की भट्टी के बीच मा डारो हइ। लेकिन बाने इत्तोई सबु नाइ देखो।




12

राजा नबूकदनेस्सर हइरान हतो। बाने अपने संघिन से पूँछी, "का हमने आगी के बीच मा केवल तीनई जनेन कौ बांधिके नाइ फेंको हतो?" "हाँ," उन्ने उत्तरु दौ। बाने कही, "देखउ, लेकिन हम आगी के बीच मा चारि आदिमिन कौ एहेन ओंहन घूमत फित्त देखत हंइ, अउर उनइ कोई निकुशानउ नाइ भौ। अउर चउथो तउ परमेश्वर के लडिका के जईसो लगति हइ!"



13

जत्ति आगी की भट्टी के मोहरा के तीर जाइके, राजा, बहुतु रोओ अउर चिल्लानो "शद्रक, मेशक अउर अबेदनगो, परमप्रधान परमेश्वर के दासऊँ, बहिरारि आबउ!" तबहीं शद्रक, मेशक अउर अबेदनगो, आगी की भट्टी से बहिरारि आइ गये।



14

सब लोग चारु तरफ जमा हुईके उन तीन यहूदियन कौ परखन लगे।
उन्ने देखो हतो कि आगी के तीर उनइ जराउन की कोई शक्ति नाइ
हती। उनके बार तक नाइ झुस्से अउरु न ही उनके कपडा जरे हते।
उनमा आगी की महक तक नाइ आउति हती।



15

जब बाई मालुम भौ, तब राजा नबूकदनेस्सर ने बहुत समुझदारी को
कामु करो। बाने दुआ करी अउरु कही, "शद्रक, मेशक अउरु अबेदनगो
को परमेश्वर धन्य हइ, जिसने अपने दूत कौ पठई के उस पर भरोसो
कल्ल वाले सेवकन कौ बचाइ लौ हइ।"




16

आदिमी जो कभऊँ नाइ झुके
परमेश्वर के वच्चन से बाइबिल की एक कहानी
में पायी जाती है
दानिय्येल ३

"तुमहोर शब्द के प्रवेश से रोशनी मिलत है।"
भजन ११९:१३०

17



33



60 18

जो बाइबिल काहानी हमई हमारे अद्भुत परमेश्वर के
बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा
मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज
दौ, क्रूस पर मरन के लें तुम्हरे पापों के लें दण्डित भये। फिर येसु जीवन मां
वापस आई गये और स्वर्ग के घर मां चले गये। अगर तुम यीशु पर विस्वास करत
हउ और अपने पापों की छमा मागन के लें उनसे पूछत हो, तो वह ऐसो करी! वो
अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कह:
प्यारे यीशु, हमे विश्वास हइ की तुम इश्वर हो और हमारे पापों के लें मरन
बाले व्यक्ति बनी गये हो और अब फिरसे जी उठे हो। कृपया हमारे जीवन मा
आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन
के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहना ३:१६

19